

明詩別裁集

十二卷十三止

本庄

イ 13

1112

6

65

60

55

50 4 13
號 1112
卷 6

明詩別裁集卷十一目錄

梁朝鐘 一首

方以智 一首

黃周星 一首

陳瑚 三首

徐枋 一首

譚貞良 二首

黃淳耀 三首

明詩別裁集

卷十一目錄

一

大正十五年二月
花房仙文部氏寄贈

011702039187

吳 易 三首

黃翼聖 一首

周立勲 三首

夏完淳 四首

鄭 露 七首

劉 城 一首

沈壽民 一首

邢昉 三首

施 武 二首

葉 襄 二首

陸 圻 一首

沈欽圻 五首

顧夢游 二首

錢秉鐙 八首

顧 絳 十六首

韓 洽 六首

明詩別集

卷十一 目錄

一

朱鶴齡 一首

陳忱 一首

李沂 二首

王翊 二首

沈自然 一首

屠爨 一首

明詩別裁集卷十一

沈德潛 稿士

長洲

周準 欽萊 同輯

梁朝鐘

朝鐘字未央順德人崇禎己卯舉人殉節死

將出皖留別楊六符沈乃功唐聖

俞徐譽星

船傍垂楊別緒生。煙含春樹雁歸聲。群公
縞帶遺吳錦。幕府青絲唱渭城。幾樹烏啼

趨夏口。何時馬首望西京。江南江北如相憶。千里高樓待月明。

方以智

以智字密之桐城人崇禎庚辰進士授翰林檢討革命後

為僧名宏智

看月

一片鍾山月。那從嶺外看。昔嘗臨北闕。今獨照南冠。萬里天難問。三更影易寒。夢中兒女路。莫憶舊長安。

黃周星

周星字九煙上元人崇禎庚辰進士晚變名黃人字略似

自沉於水

秋日與杜子過高座寺登雨花臺

被髮何時下大荒。河山舉目共淒涼。客來古寺談秋雨。天為幽人駐夕陽。去國屈原終婞直。無家李白只佯狂。百年多少憑高淚。每到西風灑幾行。

陳

瑚

瑚字言夏天倉洲人崇禎壬午舉人

贈吳興公

我非陳孟公。君乃吳季子。千金重一諾。結
 交有終始。伏劔作遠遊。欲為報讐死。惜哉
 時不遇。長歎歸故里。其事雖不成。其名滿
 人耳。

李映碧廷尉遺地圖

圖畫山川感慨多。邊陲風景近如何。入關
 無復蕭丞相。聚米空思馬伏波。兩戒一江

橫似線九州五嶽小於螺。錯疑留守魂歸。

夜風雨聲聲喚渡河。

讀至末語紙上有聲
 恐流連光景者不能

作亦不
 解讀

山中喜遇徐昭法共飲

一夜寒香萬樹開。相逢花下且銜杯。窮途
 兄弟難成醉。故國風煙易入哀。雪滿山中
 蘓武窖。雲橫江上謝翱臺。寸心不盡斜陽
 晚。濕遍青衫首重回。

徐枋 枋字昭法吳縣人崇禎壬午舉人考文靖公殉節後隱於上沙

別詩

上山采薇蕨日暮不盈把苦飢不足悲將
遺同心者良友遠別離踟躕送於野我有
盈觴酒黃流傾玉笋申以遠遊曲中懷期
共寫清商一何悲四座和者寡恐傷遊子
心攬涕不敢下景光已西馳日月不我假

譚貞良 貞良字元孩嘉興人崇禎癸未進士

樓桑先生廟

系出中山近名從小沛聞卜鄰占李定望
氣得周羣象叶黃龍瑞符仍赤帝文全家
頻脫險一旅忽能軍名士收諸葛英雄獨
使君志寧摧百戰力已限三分淚盡髀生
肉魂歸棧入雲枯桑遺廟折野火斷碑焚
繫馬寒風急題詩塞日曛枌榆存舊社絃
管尚紛紛

題河梁泣別圖

都尉臺前起朔風。節旄空盡路西東。不知
別淚誰先落。同在河梁夕照中。

黃淳耀

淳耀初名金耀字蘊生嘉定人
崇禎癸未進士乙酉城破自縊

野人

野人嘆息王師勞。秦賊楚賊如蝟毛。攻城
掠野官吏死。大江以北民嗷嗷。昨聞死賊
剗財賦。分與官軍作賄賂。亂斫民頭挂高

掠野官吏死。大江以北民嗷嗷。昨聞死賊

剗財賦。分與官軍作賄賂。亂斫民頭挂高

樹。黎民視賊賊已去。

時章疏皆稱
賊為死賊

野人嘆息年歲惡。池中掘井井底涸。飛蝗

引子來殺天。枉自傾家事。田作朝廷加派

時時有。哭訴官司但搖手。歸逢吏胥狹路

邊。軟裘快馬行索錢。

野人嘆息朝無人。朝中朋黨如魚鱗。十官

召對九官默。匍伏苟且容。一身廟堂何人
理。陰陽頻年日食。四海荒。吾欲上書問朝
上。却恐人訶妄男子。朝野大勢如是。雖欲不亡其可得乎。

吳

易

易字日生。吳江人。崇禎癸未進士。列傳可。

威寧伯王襄敏公越

威寧熊羆姿。高視氣敵萬。脫畧繩墨外。勇
智走飛電。大廷吐奇言。排闥怒風旋。威聲
動異域。環特震所見。目屬膺帝心。短袂故

上殿。帝曰快御史。為朕將而弁。所部皆鷹
騰公也。身搏戰。擣虛握勝策。入穴虎乃困。
一炬紅鹽池。冰天十帳爛。烽消玉關烟。雪
捲陰山片。轅門正高會。琵琶奏哀艷。戰士
挾秦姝。頭使死力賤。豁達籠豪與。出沒神
鬼眩。丈夫重勲名。志豈在鐵券。絕塞懸孤
臣。中援何足玷。慘淡黃金印。零落白羽扇。
風塵暗不開。北顧撫長劍。為威寧一洗其辱。懷賢諸詠。

原本少陵八哀而已之抱負
自出三章擇其尤有骨幹者

定襄侯郭忠武公登

郭公武定孫神駒渥洼好十齡走健筆歛
吸振竒藻洞徹春秋義兵法腹笥了安危
異人出所以奠皇造英宗北狩初決機一
何早黃塵擁翠蓋痛憤居庸道紫微為盪
搖柱極西欲倒我公奮孤撐乃心協少保
國也今有君揮血視清昊天截業雲中城虎
豹鬪相抱崩騰萬馬陣擊衆每用少猿臂
捷有神鐵甲盡穿縞楊石雄軍聲鎖鑰資
電掃撒烈天網翻槎枒地龍繞豈多三軍
力遂爭造化巧詩者橫槊賦檄倚馬上草
排宕非常姿灑氣秋空晶高詠戰場篇寂
寞風流紹

少保戚公繼光

大將東南誰戚公真鷹揚雄情恣揮闔秘

策揮陰陽。夙奉慕履。訓更見經術。詳結友
 傾賢豪。文采殊。頡頏。曉達三門流。以律師
 所滅。龍鳥追武侯。衡軸通軒皇。變化開精
 心。什伍為鴛鴦。少保所島夷蹂南土。兵氣
 慘不張。閉營百日練。戰士虎力強。疾掃溟
 波平。受鉞總薊方。計伸犁庭威。十萬環偏
 廂。遠猷振華夏。定策為周防。亭障雜星羅。
 旌旄蔽日光。呼韓遂稽首。郅支亦來王。款
 關四十年。戎馬不敢颺。伐暴貴上兵。功豈
 必戰場。竟無通侯賞。坐使壯士傷。時平武
 略絀。世亂智勇長。問彼登壇者。曷以恢我
 疆。

黃翼聖

翼聖字子羽大倉州人崇禎中辟召官安吉知州

渝城度歲

風俗他鄉異。巫歌達四鄰。江明無月夜。猿
 喚不眠人。眷屬生無死。年光臘帶春。客中

艱一醉辜負物華新。

周立勲

立勲字勒貞
華亭縣學士

詠懷

東登泰山巔。纍纍見城郭。秋風吹平原。牛羊下寒澤。呂尚本陰謀。漁釣竟所托。神明啓遠疆。後世資經略。遭逢良有時。志士固窮約。飄蓬西南征。浮雲散林薄。悲哉大國風。田橫不可作。

傷春

平池曲巷古祠東。幾樹桃花落晚風。明日殷勤樽酒後。春光已過別離中。

白燕墳前載酒過。幾人同唱柳枝歌。草愁一夜花如雪。搖落春心自此多。

夏完淳

完淳字存古。華亭人。考工部。先彛之子。殉節死。存古十

五。從軍十七。授命。生為才人。死為鬼雄。汪錡不足多也。詩格亦高。古罕匹。

秋懷

涼風何瑟瑟。吹我游子顏。歷歷江上林。流
 蟬鳴其間。浮雲西南征。一去何時還。駕舟
 凌洪波。杖策窮崇山。君子不遑息。小人豫
 以閑。感激在溝壑。敢念徒旅艱。中夜起百
 憂。勞人獨長嘆。

秋色從西來。風物自淒緊。金飈辭炎暉。玉
 露戒高軫。鷓鴣薄暮鳴。幽蘭望秋隕。零落
 在一時。榮華若朝菌。高從巢父棲。下與壺
 公飲。靜觀百歲間。無名以為準。

精衛

北風蕩天地。有鳥鳴空林。志長羽翼短。銜
 石隨浮沉。崇山日以高。滄海日以深。媿非
 補天匹。延頸振哀音。辛苦徒自力。慷慨誰
 為心。滔滔東逝波。勞勞成古今。此淵明詠
 荆軻作也

秋夜感懷

登樓迷北望。沙草沒寒汀。月涌長江白。雲

連大海青。征鴻非故國。橫笛起新亭。無限悲歌意。茫茫帝子靈。

鄺露露字湛若南海縣學生城陷為兵所害。湛若詩原本楚

騷五言尤勝

洞庭酒樓

落日洞庭霞。霞邊賣酒家。晚虹橋外市。秋水月中槎。江白魚吹浪。灘黃雁踏沙。相將楚漁父。招手入蘆花。五言佳處全在氣韻不求工於語言對偶

之間得此意可與讀湛若詩

洞庭

人歸洞庭水。心遠百蠻天。虹飲吳山雨。蟬嘶楚岫烟。挂帆明月樹。沽酒白雲船。來雁約南向。衡陽何處邊。

西湖上春

行逢新歲月。驕馬踏城橋。旭日催蘅帶。春人艷柳條。香車流水擊。仙袂逐風飄。小鳳

銜花去空傷雲漢遙

虞山謁舜祠

荒服垂衣日三苗格命年鳥耘千畝籍龍
御九疑烟蒲阪征雲外蒼梧落照邊何人
撫瑤瑟離恨隔湘川

采石

牛渚青天月長縣供奉祠如何今夕酒不
共昔人持高詠誰能似扁舟從所之溯洄
殊未已言折楚江蘼

浮湘禮三閭墓田尋賈生故宅

浮湘孤月下靈渠牢落殘魂半索居庚子
日斜聞野鳥端陽沙渥見江魚天高未敢
重相問年少何勞更上書此去樊城望京
國定從王粲賦歸欵

莫愁湖贈劉瞻甫

顛顛行吟落照時莫愁湖上與君期五噫

一賦梅花國三黜重逢柳士師吳苑舊游
淹越鳥楚裳今雨衰江離姑蘇烟月長相
待萎絕芙蓉白露滋

劉城城字伯宗
貴池人

群盜

群盜尚如此江城未可依健兒身手劣祈
父爪牙非鼯鼠能中飽飛鴻恒苦飢從來
比管樂詎肯泣牛衣

沈壽民壽民字眉生宣城縣學生
賢良方正門人私謚貞文

訪姜如農城北

石公巖譴後又見荷戈新曠代留遺直殘
山待老成龍歸天上馭環賜夢中身生死
昭亭畔鄉園別自春嘉靖中石御史金以
諫止醮詞謫戍宜州

邢昉昉字孟貞高
淳縣學生

九江城南樓晚眺

泱泱九江口日入烟濤深登樓俯危檻近

見廬山岑昔人此讌賞。嘉月陶幽襟。長使千載下。緬想南樓心。孤城何蕭條。殺氣餘秋陰。交衢無人行。荒榛遂如林。撫事遽成往。含悽方在今。履運適如此。憂端苦沉沉。

溪行屢經與亡友胡印度別處

濺濺溪水側。是子門前路。涓流亂石間。褰裳乃可渡。憶昔造子廬。款款平生故。尊醪亦時有。日宴未遑去。相送屋東偏。幽林每徐步。歎岸注微波。殘陽在高樹。情因老易悲。欲別恒返顧。茲來溪草綠。偶到林分處。子猶耿夙懽。子已長不寤。流泣但徘徊。空慙子桑扈。

故宮燕

君不見故宮燕。春雨秋風幾回換。宮中風雨長蓬蒿。飛入宮牆繞虛殿。穿簾度閣羽差池。盡日呢喃人未知。柳下乍銜千點絮。

花間仍拂萬年枝。玉皆寂寞果思冷。畫棟
 回翔春燕影。歲歲營巢竟不成。春來秋去
 誰曾省。可憐此度秋風早。整頓毛衣猶自
 好。徘徊欲別未央宮。萬古千門忽如掃。鐘
 簾何年去。洛陽仙人辭漢淚。成行最苦西
 飛雙燕子。重來不見舊宮牆。

施武武字魯孫長洲人

相見坡

上坡面在山。下坡山在面相見。令人愁何
 如不相見。

烏鴉關

朝上烏鴉關。暮下烏鴉關。老烏啼啞啞。行
 人還未還。寫盡境地險惡

葉襄襄字聖野長洲縣學生

感舊

洛蜀分爭日。君王宵旰時。內朝私鬪急。河

北捷書遲近輔連群盜臨郊誓六師傷心

殷浩輦一蹶竟難支思陵時朝局及天下大勢已盡四十字中

如讀少陵洛下天中諸作

喜康小范孝廉至兼弔楊機部閣

學

萬里清江浪拍天故人消息動經年重來

麋鹿長洲苑歸去荒蕪彭澤田虎帳角殘

辭部曲龍沙旗折偃戈船盧諶淪落劉琨

死回首章門一惘然

陸

圻字麗京錢塘貢生

與歌者陳郎

落日橫江老白蘋同鄉停鴈一相親未嫌

李尉翻新曲且喜何戡是舊人玉管謾吹

秋月白紅牙曾對綺筵新坐中恐有傷心

客莫按伊涼水調頻

沈欽圻

欽圻字得與長洲縣學生周先大父詩中歲愛

劉隨州晚境愛陸放翁五言如山橫
 去鳥外人立晚霞邊學易應觀我言
 詩或起予七言如冷岸孤舟搖月白
 荒村一犬吠燈紅皆陸太僕起頽所
 稱賞者茲錄感時傷事五章異於流
 連光景之作有關風教不在語言之
 工也孫男
 德潛敬識

書事

天地兵戈滿江湖。逋竄頻布衣。難許國淚
 眼不逢春玉闕悲。龍馭雄關喪虎臣。唐家
 靈武業望斷。素衣人。此思陵殉社稷後有
 望於南都擁立也江

邊老人淚暗泣眼昏不見風
 塵清夏時感事古今一轍

詠史

卧薪嘗膽日。縱飲擘牋時。但識憑江險。而
 忘厝火危。一堂爭洛蜀。四鎮角熊羆。此日
 王夷甫。清言或未宜。

君臣魚水合。半壁且遊嬉。樂奏李天下。歌
 傳郭順時。還須求故劍。慎勿剪連枝。野老
 瞻烏意。茫然空爾思。此留都事勢也不止
 於從臣皆半醉天子

自無愁矣。須求故劍。勿剪連枝。當時草野。自存公論。

亂後哭友

故友如黃葉。傷心漸覺稀。途窮天地窄。世亂死生微。腹痛車頻過。琴亡人已非。嗟余稱後死。慟哭返荆扉。

哭劉剩菴先生名永錫

萬里誰家客。孤身易箒時。變名惟恐識。後死尚嫌遲。麥飯鄰僧薦。蓬廬野父悲。招魂弟子事。愧乏楚人辭。

顧夢游夢游字與治江寧學生

訪鄒滿字溪上

言尋居士家。薄暮清溪道。荒原鳥獨飛。寒木雲相抱。入室聞疎鐘。開門見秋潦。落葉坐來多。清風時一掃。

同蔡大美徐曰贊沈治先秦淮夕

泛

落日澹生烟。波明影碧天。人來花檻裡。酒出板橋邊。揚柳風千樹。笙歌月一船。十年重對此。回首各凄然。

社集天界循公房

來已半春徂。佳游欣有徒。鳥窺遲日下。花近午風蘇。世事到山盡。高言對佛無。杖錢曾不繫。隨意乞香厨。

錢秉鐙。秉鐙字幼光。相城人。幼光自抒情性無意工詩。五言以

陶公亦在神理不在字句與高忠憲歸待詔所謂同工異曲者也

效淵明飲酒詩

寄生大塊中。何者為我故。譬如逆旅物。暫有安足據。在世雖百年。畢竟舍之去。臨去豈不戀。戀亦不得住。所以達觀人。澹然隨所遇。委順生死間。不厭亦不慕。日飲一杯酒。可以全此趣。

田園雜詩

夙昔慕躬耕。所樂山澤居。憂患驅我遠。常恐此志虛。十載一言歸。舊宅已焚如。嗟我昆與弟。茅茨倚廢墟。徘徊靡所栖。還結田中廬。結廬雖不廣。牀席容有餘。牀上何所有一二。古人書。熒熒陂上麥。青青畦間蔬。日入開我卷。日出把我鉏。

仲春邁時雨。既雨旋亦晴。百草吐生意。衆鳥喧新聲。紛紛群動出。各各有其營。孰是形骸具。而懷安居情。老農憫我拙。解輓為我耕。教以駕馭法。使我牛肯行。置酒謝老農。願言俟秋成。

一春勤稼穡。草木荒東園。今晨始芟刈。逝將除其根。良苗常恐短。惡草常恐繁。腰斧伐荆棘。用以衛籬藩。荆棘傷我手。淋漓手中痕。手傷不足道。籬弱何以存。家人挈酒至。滿斟在瓦盆。勸我飲一醉。頽然卧前軒。

前軒無人來。春風開我門。

鷄鳴識夜旦。鳥鳴識天時。東臯人語語。我起毋乃遲。攬衣出門早。且復驅其兒。黃犢初教成。我鋤子則犁。犁鋤豈不苦。衣食道在茲。道旁一老父。顰蹙前致辭。言兒筋力薄。稼穡非所宜。詩書世所輕。猶是祖父遺。如何舍素業。自甘辛苦為。多謝老父言。此意君未知。呼兒且飯牛。吾去燒東菑。若一說明

索然無味

春天不夕晴。衣垢及時澣。身上何所著。敝襦及衿短。家人念我寒。一杯為斟滿。酒滿不可多。農事不可緩。奮身田野間。襟帶忽以散。乃知四體勤。無衣亦自煖。君看狐貉溫。轉使腰肢嬾。人生會有盡。行止非自由。止亦不可趣。行亦不可留。如何柴桑叟。汲汲為此憂。終年

痛飲酒冀以忘其愁。吾身聽物化。化及事則休。當其未化時。為能棄所謀。有子亦須教。有田亦望收。天心與人事。何息不周流。我不離世間。而願與天游。為能外親戚。視之同聚漚。乃知黃老書。不如孔與周。未章常日用存順。沒寧和盤托出。可以想其品。際矣。

金陵即事

秋山無樹故峻嶒。幾度支筇未忍登。荒路行愁逢牧馬。舊交老漸變高僧。鐘樓自吼南朝寺。佛塔還然半夜燈。莫向雨花臺北望。寒雲黯淡是鍾陵。

顧絳 絳字寧人。後更名炎。武崑山人。終於山西。寧人肆力於

學自天文地理古今治亂之迹以及金石銘碣音韻字畫無不窮極根柢韻語其餘事也。然詞必已出。事必精當。風霜之氣松柏之質。兩者兼有。就詩品論。亦不肯作第二流人。

述古

微言既以絕。一變為縱橫。下以游俠權。上以刑名衡。六國固蚩蚩。漢興亦攘攘。不有董夫子。大道何由明。孝武尊六經。其功冠百王。節義生人材。流風被東京。世儒昧治本。一槩而相量。於乎三代還。此人安可忘。六經之所傳。訓詁為之祖。仲尼貴所聞。漢人猶近古。禮器與聲容。習之疑可睹。大哉鄭康成。探頤靡不舉。六藝既談通。百家亦無取。至今三禮存。其學非小補。後代尚清談。土苴斥鄒魯。哆口論性道。捫籥同矇瞽。清言何足論。宋人掃斥箋疏亦偏見也。篇中議論豈云小補。五國並時亡。世道當一變。掃地而更新。三王功可見。鼓琴歌有虞。釣者知其善。區區山澤間。道足開南面。天步未回旋。九州待龍戰。空有濟世心。生不逢堯禪。何必會風雲。弟子皆英彥。俗吏不知人。寥落儒林傳。

自註文中子書五國並時而亡蓋傷先王
 之道盡墜故君子大其言極其敗於是乎
 掃地而求更新也後賢以隋史無王通
 傳疑為烏有先生果爾古人之可疑者多
 矣此詩可為正論

謁夷齊廟

言登孤竹山愾焉思古聖荒祠寄山椒過
 者生恭敬百里亦足君未肯滑吾性遜國
 全天倫遠行辟虐政甘餓首陽岑不忍臣
 二姓可為百世師風操一何勁悲哉尼父
 窮每歷邦君聘楚狂歌鳳衰荷蕢識擊磬
 自非為斯人棲棲無乃佞我亦客諸侯猶
 須善辭命紉懷耿介心不踐脂韋徑庶幾
 保平生可以垂神聽唐人登首陽山只淡
 淡寫景此作者自抒
 懷抱應以
 議論為長

過矩亭拜李先生墓下

人生無賢愚大節本所共蹉跎一失身豈
 不負絃誦卓哉李先生九流稱博綜心鄙

馬季長不作西第頌。屏居向郊坳。食淡常

屢空。清修比范丹。聰記如應奉。力學不求

聞。終為老家術。同時程中丞。一疏亦驚衆。

王璽安足陳。丞進名臣用。自註中丞名紹德。州左衛人。巡撫

河南時。漳河旁得王璽上疏。秦璽不足珍。國家以賢為室。薦黨藉諸臣。十餘人不

納。遂謝病歸。黨論正紛拏。中朝並罷訟。世推山

東豪。三李尤放縱。祠奄與哭典。後先相伯

仲。初踰士類閑。竟折邦家棟。悲哉五十年。

風塵尚頽洞。我來拜遺阡。增此儒林重。雖

無聲咳接。猶有風流送。自非隨武賢。九原

誰與從。自註漢司隸校尉魯峻。碑休神字術。

龍門

立地黃河出。開天此一門。千秋憑大禹。萬

里下崑崙。崑崙入廟煮蒿接。臨流想像存無人

書壁間。倚馬日將昏。

嵩山

位宅中央正。高疑上界隣。石開曾出啓。嶽降再生申。老柏搖新翠。幽花茁晚春。豈知巢許窟。多有濟時人。

訓王處士九日見懷之作

是日驚秋老。相望各一涯。離懷銷濁酒。愁眼見黃花。天地存肝膽。江山閱髻華。多蒙千里訊。逐客已無家。

與江南諸子別

絕塞飄零苦著書。趨來行李問何如。雲生岱北天多雨。水決淮壩地上魚。濁酒不忘千載上。荒雞猶唱二更餘。諸公莫效王屋嘆。隨處容身足草廬。自註管輅別傳雞一書王尼傳尼早喪婦有一子無居宅唯畜露車有牛一頭每行輒使御之暮則共宿車上嘗嘆曰滄海橫流處處不安也

訓傅處士

清切頻吹越石笳。窮愁猶駕阮生車。時當

漢臘遺臣祭義激韓暨舊相家陵闕生哀
回夕照河山垂淚發春花相將便是天涯
侶不用虛乘犯斗槎

劉諫議祠黃

皂囊青史漫傳名白日黃泉氣未平自古
國亡緣宦者可憐身沒尚書生荒阡草長
妖狐出舊驛風寒倦馬行一自德陵升馭
後山河祠廟總淪傾

贈郝將軍太極

溟人天啓中守露
益余於叙功疏識

其姓名今為醫客於吳之上
津橋言及舊事感而有贈

曾提一旅制黔中水藺諸首指顧空入楚
蕪頗猶未老過秦扁鵲更能工風高劍氣
蛉川外水沸茶聲鶴澗東橋畔相逢不相
識漫將方技試英雄

賦得秋柳

昔日金枝間白花只今搖落向天涯條空

不繫長征馬。葉少難藏。覓宿鴉。垂老桓公。
 重出塞。罷官陶令。乍歸家。先皇玉座。靈和
 殿。淚灑西風向日斜。此小小題俱有關係

華山

四序乘金氣。三峰壓大河。巨靈雄鼎足。白
 帝儼巍峩。地劣窺天井。雲深拜斗阿。夕嵐
 開翠巘。初月上青柯。欲摘星辰墜。還虞虎
 豹訶。正冠朝殿闔。持杖叱羲和。執扼雙崑
 壯。功從駟伐多。未歸桃塞馬。終負魯陽戈。
 山鬼知秦帝。蠻王屬趙佗。出關收楚魏。浮
 水下江沱。老尚思三輔。愁仍續九歌。唯應
 王景略。歲晚一來過。

禹陵

大禹巡南守。相傳此地崩。禮同虞帝陟。神
 契禹湖升。窳石形模古。墟宮世代仍。探竒
 疑是穴。考典或言陵。玉帛千年會。山河一

氣憑御香來。敕使主守付髡僧。樹暗巖雲積。苔深壑雨蒸。鶴鷗呼家柏。蝙蝠下祠燈。餘烈猶於越。分封並杞鄆。國詒明德祚。人有霸圖稱。往者三光墜。江天一障乘。投戈降北固。授子守西興。冲主常虛已。謀臣動自矜。普天皆爵祿。無地使賢能。合戰山回霧。窮追海踐冰。蠡城迷白草。鏡沼爛紅菱。樵採岡林徧。弓刀塢壁增。遺文留仆碣。仄徑長荒藤。望古頻搔首。嗟今更撫膺。會稽山色好。悽惻獨攀登。

高漸離擊筑

神州移水德。故鼎去山東。斷霓夫人劍。殘烟郭隗宮。身留烈士後。跡混市兒中。改服心猶苦。知音耳自通。沉淪餘枝藝。忼慨本英雄。壯節悲遲暮。羈魂迫固窮。一吟遼海怨。再奏薊邱風。不復荆卿和。哀哉六國空。

韓

洽

洽字君望長洲人隱居陽山

題李龍眠諸夷職貢圖

元豐二年畫

有唐貞觀萬國寧。殊方異域皆來庭。立本為圖擬王會。詭形怪狀流丹青。龍眠居士生有宋。未必諸蕃真入貢。得毋舊本重臨摹。左食貫胸聊玩弄。元豐天子承平日。君臣競講強兵術。不知中國正凋殘。馳想海邦無日出。貢。罄。西。旅。四。夷。賓。作。訓。猶。煩。保。傳。臣。為。問。伯。時。圖。作。貢。何。如。鄭。俠。繪。流。民。

如此立意方異風雲月露愚采明末諸賢詩當谷音一集可也

黃孝子端木萬里尋親

父子分殊域。超庭道路難。一身衝虎豹。萬死涉風湍。乍識容顏。是翻悲涕淚。乾故園。今共反。猶作夢中看。

雪下紅

籬落徧積素。愈知顏色丹。故非嘉卉列。聊

作野花香。天地存微物。韶華惜歲闌。芳心良獨苦。誰謂不知寒。

鐵馬

急響中宵發。凌空鐵騎行。不知風信至。頓使旅魂驚。當世正多事。吾儕方苦兵。那堪檐宇下。又作戰場聲。下半忽然推開感慨時事詠物詩中別有

地天

關山月

曉角數聲哀。邊風捲地來。十年征戍客。不上望鄉臺。翻進一層倍覺沉痛

聞鴈

朔風吹鴈渡江干。月白霜清響尚寒。孤客幾回愁裡聽。故鄉何處報平安。

朱鶴齡

鶴齡字長孺吳江縣學生

感遇

薇蕨苟可采。何必在首陽。清流苟可泛。何

必在滄浪至人處委蛇守已非一方直木
寧見伐芳蘭寧遂傷縱志游霄漢俯仰隨
翱翔

陳忱字遐心
烏程人

閔羅隱詩

餘杭山水役精魂末世才人眼界昏憔悴
感恩依尚父可憐尚父事朱温非貶昭諫
借此發出

李沂沂字子化興
化縣學生

贈魏叔子

魏生嶽嶽目如電董子祠傍忽相見豫章
國士天下聞生不逢時且貧賤東西奔走
非無故側身海內求英彥即今屠釣豈無
人當恐摧頽筋力變握手數語露肺肝別
我西歸尋考槃子之往兮各努力歲暮雨
雪江風寒

挽從伯瞻鹿公

喪亂君臣在偏安。社稷蕪封章。懸日月。旅
櫬歷江湖。報國餘孤劍。匡時屈壯圖。故園
春樹綠。愁聽野禽呼。

王

翊

翊字介人嘉興布衣。介人

宮春。雨長蒲桃。西蜀諭通司馬。檄中

山謗。滿樂羊書。夜月旌旗。五馬渡秋

村居

獨樹寒烟外。孤村流水間。偶隨花草去。遠
逐漁樵還。川暝罷垂釣。日斜長掩關。何年
事高隱。歸卧鹿門山。

客中九日

細雨成陰近夕陽。湖邊飛閣照寒塘。黃花
應笑關山客。每歲登高在異鄉。沈子山云
不失唐音

沈自然自然字君
服吳江人

江南樂

初景爛銀浦。溘溘浮灘。鷓鴣儂情兩搖蕩。持
 比春江色。江深蓮子齊。水暖鴛鴦樓不須
 更相問。家住橫塘西。橫塘連夾浦。曲曲明
 如許。誰打白蘋開。前溪夜來雨。雨霽上南
 樓。天高水影浮。出門郎不見。仍蕩采蓮舟。

音節神似
西州曲

屠

爨

爨字閣伯
興縣學生

贈別袁重其

高飛鴻鴈滿關河。此日寒江起夕波。庾信
 哀時常作客。梁園去國獨行歌。霜淒茂苑
 清砧急。月照荒臺落葉多。為問吳中舊知
 已。空山叢桂近如何。

明詩別裁集卷十一終

明詩別裁集卷十二目錄

龔賢一首

顧苓一首

杜濬五首

方文一首

岑徵一首

紀映鐘一首

申涵光二首

蔣 易 一首

戴 冠 一首

費 密 二首

朱 茂 暉 一首

朱 茂 曙 一首

王 光 承 一首

俞 汝 言 一首

張 綱 孫 四首

吳 騏 七首

周 箕 二首

陳 恭 尹 七首

徐 夜 一首

余 懷 二首

潘 問 奇 三首

周 同 谷 一首

梵 琦 四首 以下方外

宗泐 二首

守仁 一首

道衍 一首

大回 一首

明秀 一首

宗倫 一首

通潤 一首

道源 一首

讀徹 二首

今種 六首

郭貞順 一首

以下名媛

陸娟 一首

沈瓊蓮 一首

屈安人 一首

黃安人 一首

方維儀 三首

黃幼藻 一首

商景蘭 一首

曹壽奴 一首

契遜 一首 以下外國

申從濩 一首

崔澱 一首

成侃 一首

林悌 一首

姜克誠 一首

李仁老 一首

鄭之升 一首

許景燮 一首

李氏 一首

占城貢使 一首

洞庭老人 一首

無名氏 一首

月言別裁集

卷十二

四

明詩別裁集卷十二

沈德潛 礪士

長洲

周 準 欽 策

同輯

龔賢 賢字半千 上元人

扁舟

扁舟當曉發。沙岸杳然空。人語蠻烟外。雞鳴海色中。短衣曾去國。白首尚飄蓬。不讀荆軻傳。羞為一劍雄。

明詩別裁集

卷十二

一

顧苓 苓字云美吳縣人吳江貢生

石公山

茫茫三萬頃。日夜浴青蔥。骨立風雲外。孤
撐濤浪中。若令當路出。應作一關雄。朱劬
真多事。荆榛滿故宮。應嘆賢者不用而小
人誤國也。下半拓開

得唐人
格律

杜

濬

濬字于皇黃岡人。茶村長
篇頗近類唐。又間燈船鼓吹
歌以此得名。其寔類唐之尤
者也。茲錄其整頓有骨格者

游夾山漾

出塢謝群賢。放舸理長嘯。烟岫映澄波。始
知所歷妙。林壑羅秋姿。紫翠冑寒照。蘋汀
欲為雪。楓岸忽如燒。目逐絕境往。意慳佳
處要。層峰何婢娟。灣環亦窈窕。泛漾疑江
湖。回帆復蘿薦。面面見道場。一起憑吊。
尋幽不覺遲。歸晚顧而笑。石門免見訶。登
樓感同調。

嵇康

嵇康人中龍義不可當世視彼盜國臣伎
倆如兒戲吐辭薄湯武千載有生氣臨命
索琴彈聊示不屑意

登金山塔

極目非無岸滄波接大荒人烟沙鳥白春
色嶺雲黃出世登初地思家傍戰場咄哉
天咫尺消息轉茫茫蒼蒼莽莽自
是大家舉止

焦山

觸處迷人代茲山尚姓焦上頭仍棟宇到
眼忽雲霄樹色南徐近江聲北岸遙衣冠
留洞壑不必訪松寮

出郭來差遠憑高望獨深江分神禹跡海
見魯連心密竹藏金像回流灌石林擬尋
幽絕處却誦白頭吟

方文文字爾止
桐城人

攝山絕頂

下方惟見石。不信有柴荆。仄徑盤空上。危峰到頂平。夕陽千嶺秀。春水一江明。愁絕浮雲外。蒼茫舊帝京。

岑

徵徵字金紀南海人

湘潭晚春寄耒陽胡使君

花落鶉啼日欲曛。白蘋洲畔悵離群。東風綠遍章臺柳。夜雨寒生夢澤雲。避地少陵猶寄食。依人王粲漫從軍。春深塞鴈皆還北。書札何因報使君。

紀映鍾

映鍾字伯紫上元人

學圃贈鄧生

我為東湖樵。子學南山圃。相連大道傍。雪深問勞苦。我逢冬青樹。再拜不敢斧。子有東陵瓜。屢漬深秋雨。生事尚飢寒。吟詩坐蒿堵。

申涵光 涵光字惠盟廣平人

路氏妹江南使來

骨肉何由見。音書隔歲通。雨深揚子驛。霜白趙王宮。旅食憐空橐。鄉心逐斷蓬。十年戀慈母。淚盡北來鴻。

懷太原傅青主

曾約溪村訪釣竿。數年設榻待君歡。亂離苦憶良朋少。衰病應愁遠道難。晉國山川容白髮。中原天地此黃冠。幸將卷帙傳高迹。日向晴窓展畫看。

蔣易 易字前民江都人

清涼山頂留別杜于皇

招提上夕陽。別酒置崇岡。秋老孤帆色。人輕百戰場。江雲平楚岸。風葉減吳霜。來日空回首。思君獨渺茫。

戴冠 冠字崑仲更名易字南枝山陰人

釣臺懷古

赤伏符興罷戰爭。釣竿三尺足平生。遠攜
 仙女桐江隱。深悔羊裘大澤行。一夜星辰
 凌帝座。九重貴賤見交情。請看七里瀧中
 水。未到錢唐徹底清。
南枝釣臺詩多至千餘章皆潦倒淺率此
 釋其尤雅者首尾渾成
 精神滿腹可以傳世

費密字此度四川成都人亂後流寓揚川

朝天峽

一過朝天峽。巴山斷入秦。大江流漢水。孤
 艇接殘春。暮色愁過客。風光惑接人。明年
 在何處。杯酒慰艱辛。
三四語十字成句王
 新城尚書所謂十字
 堪千
 古也

棧中

棧閣通秦道。青天不易行。盡過奇絕處。不
 負有平生。白馬巖中出。黃牛壁上耕。野花
 埋輦處。幸蜀只空名。

朱茂暉

茂暉字子若秀水人
祖蔭授中書舍人

哭譚禮部元孫

去日乘桴易歸愁度嶺艱
河山成死別兒女望生還
劍氣沉三島文星隕百蠻
旅魂招未得何處望鄉關

朱茂曙

茂曙字子蘅秀水縣學生

秦淮河春游即事

橋下溪流燕尾分灣頭新水慣涵裙
六朝

芳草年年綠雙調鳴箏戶戶聞
春雨杏花慶學士酒旗山郭杜司勳
兒童也愛晴明好紙剪風鳶各一群

王光承

光承字珩古上海諸生

送人之廣南

並馬銜杯日未曛羊城山水正愁君
秋聲已入庭前樹客路遙尋嶺外雲
溟海上連辰極動星河南去越天分
年來莫問流人

狀知有清猿不可聞。

愈汝言

汝言字石吉秀水諸生

進艇

晴川曲曲抱沙隄。岸柳依依遠近齊。山色欲開疎雨外。夕陽忽在亂峰西。舟前波浪加流駛。望裡烟嵐魯樹低。作客乘春行處好。故鄉曾否息征鼙。

張綱孫

綱字祖望錢唐人古詩得杜一醉時武陵諸子以祖

望為最

涿州城

曉霜不在地。微白生牛背。遙望涿鹿城。薩然沙磧內。控縶走其下。壁立皆土塊。此地古范陽。甲兵天下最。側耳聞啼飢。傷心自我輩。野狼遇人嗥。蒼鷹攫雉碎。生涯底如此。浩嘆茲行邁。

白竹村

路盤白竹村。崎嶇探窮谷。居人八九家。林
 杪構破屋。下惟四柱立。亭亭不附木。仰視
 如鳥巢。夕暝梯雲宿。已防虎豹害。復懼麋
 鹿觸。我行多彷徨。歧路不敢哭。日晚慎前
 行。何處堪投足。

晏城

小小古晏城。西對華不音花柱。昔之晉郤
 克。逐馬匝此處。我行實已倦。解鞍歇薄暮。
 鷓鴣嘯其群。老鳥守枯樹。不見古人跡。斷
 碑委樵路。手摸苔蘚痕。字句讀未誤。平仲
 之采地。緬然起思慕。奈何千載後。蕪沒如
 野戍。相望有遠山。恐是齊朝附。

苦旱行

田中無水騎馬過。苗葉半黃蟲齧破。五月
 不雨至六月。農夫仰天淚交墮。去年臘盡
 頻下雪。父老俱言水應大。如何三伏無片

明詩苑卷十一
卷十一
九
雲米價騰貴人飢餓大河之壩風揚沙枯
擗無用袖手坐林木焦殺鳥開口魴魚枯
乾溝底卧人人氣喘面皮黑十箇熱病死
九箇安得昊天降靈雨童兒歡笑父老賀
高田低田薄有收比里稍可完國課不然
官吏猛如虎終朝鞭扑疇能那

吳

騏騏字日十
華亭布衣

喜汪振生歸自雲南

萬里歸來日蓬蒿滿華門登堂一長慟兄
弟幾人存豺虎關山險烽烟日月昏無窮
故交意相與盡清尊

漢昭烈

名儒盧鄭久周旋正值黃星受命年龍種
已移三統厯蠶叢還關半隅天金甌付託
耕莘佐玉几彌留顧命篇一代英雄生死
際銅臺遺令最堪憐足令老媿死

感時書事寄計子山陸孝曾

十月寒風急。浮雲暗大荒。客行愁道路。時
事慮蕭牆。薊北非吾土。秦中亦異鄉。空憂
天欲墜。未見日重光。廟略慙靈武。軍聲謝
朔方。元臣誇定策。列帥許勤王。好爵娛姻
婭。官評視篚筐。簾編青鳥骨。玉斲辟邪香。
冠蓋最先集。笙歌夜未央。冰蠶裁寶帳。墜
馬鬪新裝。宮窟謀初遂。憑城氣轉揚。刑牛
烹可待。國狗噬何狂。鐵券封蘇峻。丹書錫
董昌。中朝容桀梟。群醜益鴟張。百里無烟
火。千村絕稻梁。軍行咸擁婦。鬼哭暗聞殤。
朽索飢難馭。開籠飽欲颺。先須憂輦轂。莫
道劃沮漳。每作蛇蟲鬪。深虞鷸蚌亡。內睽
戎伏莽。外侮剝侵牀。劇盜鋒初遠。函關勢
尚強。霧迷黃帝陣。彗集紫微房。造次分旄
節。安危作棟梁。諸公咸倚重。吾意獨彷徨。

厚寵雖三錫。雄圖愧一匡。藩籬殊未固。肘腋況難防。邯敗惟降楚。溫強且叛唐。養蛇將螫手。莞庫遂探囊。下士棲蓬室。無因叫帝閭。詩題蕉葉遍。風到葛衣涼。濁酒醜難醉。悲歌激不妨。私心圖國是。未敢告明堂。同社多英俊。居貧更慨慷。華陰終拂拭。霄漢自飛翔。壯志清河洛。交情重太行。風濤為砥柱。冰雪見松篁。縱使三靈改。無移百鍊剛。累朝皆養士。努力念前皇。此亦留都寔錄也。閩主無愁。群姦障蔽。強藩跋扈。生民塗炭。作者痛哭言之。激於板蕩之章矣。

塞下曲

四牡駢駢出玉門。詔持繒帛賜烏孫。為言侍子今無恙。初在京師讀魯論。

少年行

紅玉鞍。驕碧玉。驄樂遊原上。柳絲風。詔求季布。今何處。只在三千奴僕中。

茂陵

茂陵枯柏自嶺岼。露重珠襦馬上寒。獨與銅人相對哭。三更殘月下金盤。

書李舒章詩後

胡笳曲就聲多怨。破鏡詩成意自慙。瘦信文章真健筆。可憐江北望江南。惜其清才哀其遭遇

言下無限徘徊

周

箕

箕字青士嘉興布衣隱於市

哭然公

然公釋門老。獨卧孤峰雲。古貌世莫見。高風予夙聞。松杉手自種。虎豹時為群。嘆息永徂謝。山堂空夕曛。

懷舊為亡友王翊作

南浦驚心憶往年。送君獨上子猷船。烏衣舊巷者猶在。馬首長塗信可憐。烟樹瘴深過嶺日。寒潮風急渡江天。寧知陸賈遺歸

索空為王孫給墓田。

陳恭尹

恭尹字元孝
廣州順德人

蜀中

子規啼罷客天涯。蜀道如天古所嗟。諸葛
威靈存八陣。漢朝終始在三巴。通牛峽路
連雲棧。如馬驢。唐走浪花。擬醉昔賢魚水
地。海棠開遍野人家。高祖以蜀王後主以
蜀亡明眼人可與論
古

鄴中

山河百戰鼎終分。歎息漳南日暮雲。亂世
奸雄空復爾。一家辭賦最憐君。銅臺未散
吹笙伎。石馬先傳出水文。七十二墳秋草
遍。更無人表漢將軍。表揚才華。禡奪
奸醜。最為定論

隋宮

穀洛通淮日夜流。渚荷宮樹不成秋。十年
士女河邊骨。一笑君王鏡裡頭。月下虹蜺

生水殿。天中絲管在迷樓。繁華往事邗溝外。風起楊花無那愁。

發舟寄湛用嗜鍾裴仙湛天石

扶胥古渡水淒淒。雨後移舟望轉迷。數口寄居秋草外。一身為客楚雲西。家無兄弟依朋友。地夾河山畏鼓鼙。知己片言應不負。亂離兒女藉提携。

虎邱題壁

虎迹蒼茫霸業沉。古時山色尚陰陰。半樓月影千家笛。萬里天涯一夜砧。南國干戈征士淚。西風刀剪美人心。市中亦有吹篳客。乞食吳門秋又深。

秋日西郊讌集

時屈子歸自塞上

黍苗無際鴈南飛。對酒心知此日稀。珠海寺邊遊子合。玉門關外故人歸。半生歲月看流水。百戰山河見落暉。欲灑新亭數行

淚南朝風景已全非

明妃怨

生死歸殊俗。君王命妾來。莫令青塚草。生

近李陵臺。韻語中明是非定。賞罰居然史筆。

徐夜夜字東痴山人。東新城人。

九日得顧寧人書

故國千年恨。他鄉九日心。山陵餘涕淚。風雨罷登臨。異縣傳書遠。經時志別深。陶潛

籬下意。誰復續高吟。

余懷懷字澹心。福建莆田人。

金陵雜感

六朝佳麗晚烟浮。擘阮彈箏上酒樓。小扇畫鸞乘霧去。輕帆帶雨入江流。山中夢冷依宏景。湖畔歌殘倚莫愁。吳殿金釵梁院鼓。楊花燕子共悠悠。

由畫溪經三箬入合溪

畫舫隨風入畫溪。秋高天濶五峰低。綠蘿僧院孤烟外。紅樹人家小閣西。箬水長清魚可數。篁山將盡鳥空啼。桃源彷彿無尋處。楓葉紛紛路欲迷。晚唐風格

潘問奇問奇字雪帆錢塘人

自磁州趨邯鄲途中即事

中宵聞感發。日出走黃沙。風力能飛石。河水不陷車。郊寒騰俊鶻。樹老立飢鴉。旁午

停征轡。炊烟得樂家。北山虛風落石尤險每下一字俱有鋒稜

金棺峽

濤聲何所似。石罅走雷霆。地拔雙崖起。天餘一綫青。真形孫獮古。毒霧蝮蛇腥。我欲窮深險。誰能覓五丁。

肅寧縣有故璫魏忠賢地宅

肅寧池館舊連阡。過客追思鹿馬年。齊國豎刁呼尚父。漢朝名士拜中涓。北司計就

書難上。元祐碑成事可憐。獨喜左楊崇廟食。春來一曲奏神絃。

周同谷 同谷字鶴 臞崑山人

流螢詞

偶因微雨點蒼苔。還被輕風扇復開。應為前身是芳草。多情頻上院牆來。

梵 琦字楚石 象山人 居海鹽 天寧寺 明初徵至京 建法會

賜座第一 以所贈詩

曉過西湖

船上見月如可呼。愛之且復留斯須。青山倒影水連郭。白藕作花香滿湖。仙林寺遠鐘已動。靈隱塔高燈欲無。西風吹久不得寐。坐聽魚蟹翻菰蒲。
釋子詩取無蔬筍氣者寥寥數餘章已盡

漠北懷古

曠野多遺骨。前朝數用兵。烽連都護府。柵

遠可敦城象膽隨時轉駝蹄入夜明却因
班定遠牽動故鄉情

北入窮荒野入如曠古時天山新有唱耶
律晚能詩共說羊堪種誰知繭作絲漫漫
風雪裡南望是京師

居庸關

天畔浮雲雲表峰北遊奇險見居庸力排
劍戟三千士門掩山河百二重渠管自今
收戰馬兜鈴無復置邊烽上都避暑頻來
往飛鳥猶能識衮龍

宗

泐宗泐字季潭臨海人洪武初
舉高行沙門居首遣往西域

求遺經授
左善世

夏夜與錢子貞集西齋賦詩叙別
明月不可招流光入堂中白雲不可約挂
我屋上松茲會固難待後會寧易逢明朝
在東郭隔水但聞鐘

聽泉軒為藏無盡作

若人有耳惟聽泉。泉聲入耳長涓涓。穿林出澗度天樂。終古不斷水絲絃。此聲不來耳不往。中自寂然遺外響。青燈照壁夜沉沉。獨倚軒窗月東上。

守

仁守仁字一初富陽人住持靈隱洪武中徵授右善世

宏上人所蓄秋山圖

萬峰霜晴翠如洗。峰底行雲度流水。西北

高樓爽氣邊。江南落木秋聲裡。薰葭潮長魚在梁。白鷗飛盡天茫茫。松根丈人讀書處。時有踈鐘來上方。仙槎影沒銀漢遠。木末芙蓉為誰剪。何處涼風送客船。歸來似是東曹掾。東曹頗笑未識機。挂帆直待鱸魚肥。山川搖落已如此。未信草露露人衣。

道

衍道衍字斯道長洲人洪武中徵入侍燕府後以靖難功特

授少師

京口覽古

譙樓年來戰血乾。烟花猶自半凋殘。五州山近朝雲亂。萬歲樓空夜月寒。江水無潮通鐵甕。野田有路到金壇。蕭梁事業今何在。北固青青客倦看。

大回大回字汝止會稽人延慶寺僧修永樂大典

讀謝翱傳

南奔北走家何在。七里灘前許劍來。厓海

夜寒惟月上。冬青樹老又花開。側身天地聊晞髮。悵望江山獨把杯。一掬當年知己淚。秋風灑盡下西臺。

明秀明秀字雪江海鹽人祝髮天安禱龍場驛丞有蛮烟瘦馬經荒驛瘴雨寒雞夢早朝向上句寫投荒景象下則忠愛之心亦俱傳出矣是為風雅正聲

送陳墨山還吳淞兼柬胡秋田

五首城外月。不見十年餘。顧我曾遊地。因

君得寄書津亭然夜火。江市賣鱸魚。若見秋田父。還勞問起居。

宗倫 宗倫字性 葬芝溪人

旅懷

東吳隔千里。歸計尚茫然。忽見梅花發。他鄉又一年。

通潤 通潤字一 兩吳僧

種松老人

飯後罷鋤春。寒山信短筇。偶隨孤犢去。適與老人逢。見面不知姓。自言能種松。橫岡千萬樹。大半已成龍。格高本之唐人訪陸鴻漸不遇詩

道源 道源字石材太倉人 居吳北禪寺

早梅

萬樹寒無色。南枝獨有花。香聞流水處。影落野人家。

讀徹 讀徹字蒼雪滇南人 住吳中中峯

別吳中諸子

相晤了無意臨岐還黯黯回看吳苑樹獨
上秣陵船春老還山路江昏欲雨天白鷗
略似我聚散綠波前

送朗癯入匡山

偶向匡廬去安禪第幾重九江黃葉寺五
老白雲峰落日眠蒼兕飛泉下玉龍到時
應為我致意虎谿松蒼雪五言有風吹殘
雪樹人語夕陽山句

七言有十日花開湖上路半春家在雪
中山句王阮亭尚書賞之采入詩話中

今種今種字一
靈番禹人

魯連臺

一笑無秦帝飄然向海東誰能排大難不
屑計竒功古戍三秋雁高臺萬木風從來
天下士只在布衣中骨力排身神完氣足
起語超落語勁中間
十字成句放開眼
界一覽衆山小矣

晉太尉劉琨墓

月言另表集 卷十一 十一
扶風歌未罷國執日倉皇。辛苦盧從事。相
依在晉陽。風吹沙磧草。月滿塞樓霜。遺墓
東安縣。蕭蕭徧白楊。

攝山秋夕

秋林無靜樹。葉落鳥頻驚。一夜疑風雨。不
知山月生。松門開積翠。潭水入空明。漸覺
天雞曉。披衣念遠征。

自白下至攜李與諸子約遊山陰

最恨秦淮柳。長條復短條。秋風吹落葉。一
夜別南朝。范蠡河邊客。相將蕩畫橈。言尋
大禹穴。直渡浙江潮。
一氣赴題有神無迹
在唐人中亦不多見

粵江秋夜

明月生珠泮。蒼茫萬里秋。愁筇歌喧極浦。風
露滿孤舟。落雁栖難定。寒潮靜不流。年來
秋望苦。不上五層樓。

繇雲母峰上大小石樓

獨上朱明頂。高尋仙子蹤。玉樓夾日月。秋
瀑飛芙蓉。白髮幾時變。青鸞安可從。何人
吹鐵笛。忽過麻姑峰。

郭貞順

貞順潮陽周伯玉妻明初師
下嶺南指揮俞良輔征諸塞

之未服者貞順從伯玉居溪頭塞作
詩上之良輔覽詩大喜一塞得全。

婉詩
以下名

上俞將軍

將軍開國之武臣。早附鳳翼攀龍鱗。烟雲

滲淡遍九野。半夜捧出扶桑輪。前年引兵
下南粵。眼底群雄盡流血。馬蹄帶得淮河
水。灑向江南作晴雪。潮陽僻在南海濱。十
載不斷干戈塵。仁風溥被萬里外。天子亦
念遐方民。將軍高名邁千古。五千健兒猛
如虎。輕裘緩轡踏地來。不減襄陽晉羊估。
此時特奉明主恩。金印斗大龜龍紋。大開
藩衛制方面。期以忠義酬明君。宣威布德

民大悅把菜一笠誰敢奪黃犢春耕萬隴
 雲龍夜卧千江月去歲壺陽戍守時下
 車愛民如愛兒壺山蒼蒼壺水碧父老至
 今歌詠之欲為將軍紀勲績天家自有如
 椽筆但囑壺民歌太平磨厓勒畫韓山石

陸娟娟陸德蘊女馬龍妻

代父送人之新安

津亭楊柳碧慘慘人立東風酒半酣萬點

落花舟一葉載將春色過江南

沈瓊蓮瓊蓮字瑩中烏程人宏治初選入掖庭官女學士

送弟溥試春官

少小離家侍禁闈人間天上兩依稀朝迎
 鳳輦趨青瑣夕捧鸞書入紫微銀燭燒殘
 空有夢玉釵敲斷未成歸年年望汝登金
 籍同補山龍上衮衣

屈安人安人華陰人副都御史直之女參議韓邦清妻

送夫入覲

君往燕山去。棄妾雒水傍。雒水向東流。妾
 魂隨飛揚。丈夫輕離別。所志在四方。努力
 事明主。肯為兒女傷。君有雙老親。垂白坐
 高堂。晨昏妾定省。喜懼君自量。珍重復珍
 重。丁寧須記將。既為遠別去。飲余手中觴。
 莫辭手中觴。為君整行裝。陽關歌欲斷。柳
 條絲更長。閨閣詩盡洗金粉。獨標高格。既
 取風雅。亦用無教。別於時俗。金

粉之習

黃安人

安人遂寧人黃簡肅珂
之女修撰揚慎繼室

寄外

雁飛曾不度。衡陽錦字何由寄。永昌三春
 花柳妾薄命。六詔風烟君斷腸。日歸日歸
 愁歲暮。其雨其雨怨朝陽。相聞空有刀鏐
 約。何日金雞下夜郎。重陽韻首句
或衡相

方維儀

維儀桐城人大理御大鎮之
女適姚孫榮夫天請大歸字

志

死別離

昔聞生別離。不言死別離。無論生與死。我
 獨身當之。北風吹枯桑。日夜為我悲。上視
 滄浪天。下無黃口兒。人生不知死。父母泣
 相持。黃鳥各東西。秋草亦參差。予生何所
 為。死亦何所辭。白日有如此。我心徒自知。

出塞

辭家萬里戍。關路隔風烟。賊重無餘餉。邊
 荒不種田。小兵知有死。貪吏尚求錢。倚賴
 君王福。何時唱凱還。

旅秋聞寇

蟋蟀吟秋戶。涼風起暮山。衰年逢世亂。故
 國幾時還。盜賊侵南甸。軍書下北關。生民
 塗炭盡。積血染刀鏑。如讀杜老傷時之作

黃幼藻 幼藻字漢薦蒲田人

題明妃出塞圖

天外邊風撲面沙。舉頭何處是中華。早知
身被丹青誤。但嫁巫山百姓家。亦作黃潛

商景蘭

景蘭會稽人。吏部尚書。周祚女。初公彪佳配。

悼亡

公自垂千古。吾猶戀一生。君臣原大節。兒
女亦人情。折檻生前事。遺碑死後名。存亡
雖異路。貞白本相成。

曹壽奴

壽奴小字山姑。崇禎間吳興女子。

夫君北行以菩提數珠留贈

百八菩提子。紅絲貫小纓。無眠後夜月。留
記遠鐘聲。閨合無迹

僕

遼朝鮮。遼回鶻人。世居僕。輦河因以為氏。官端本堂正字。

外。以下

山雨

一夜山中雨。林端風怒號。不知溪水長。祇

明詩別裁集

卷十三

覺釣船高純乎天籟

申從濩官成均直講

傷春

茶甌飲罷睡初輕。隔屋聞吹紫玉笙。燕子
不來春又去。滿庭紅雨落無聲。

崔澱澱字彥沉海州人進士

春日

楊柳依依江水生。杏花如雪落無聲。青霞

卷盡畫樓出。中有玉人吹玉笙。

成侃爵里未詳。成侃至鄭之升見朝鮮采風錄官爵世次俱

闕

羅噴曲

為報郎君道。今年歸未遲。江頭春草綠。是
妾斷腸時。

林悌

閨怨

明詩別裁集

卷十三

三

十五越溪女。含羞語不發。歸來掩重門。泣

向梨花月。

如讀崔國輔小詩

姜克誠

潮堂早起

江月曉欲沉。宿雲寒未去。但聞柔櫓聲。不

見舟行處。

唐無名氏有烟昏不見人隱隱數聲櫓句傳寫曉景俱非畫筆

到

李仁老

題杏花鸚鵡圖

欲雨未雨春陰垂。杏花一枝復兩枝。問誰

領得春消息。惟有鸚鵡之與鵲之。

鄭之升

留別

悵望溪亭夕。照明綠楊如畫。春城無人

為唱陽關曲。惟有青山送我行。

情致纏綿此唐人作

更翻得別

許景樊

景樊字蘭雪七歲作廣寒宮上梁文長適進士金成立成

立殉國難許以節見

塞上

侵雲石磴馬蹄穿。陟盡重岡若上天。秋晚魚龍眠巨壑。雨晴虹蜺落飛泉。將軍鼓角行邊急。公主琵琶說怨偏。日暮為君歌出塞。劍花騰躍匣中蓮。

望高臺

層臺一柱壓嵯峨。西北浮雲接塞多。鐵峽霸圖龍已去。穆陵秋色雁初過。山迴大陸吞三郡。水割平原納九河。萬里登臨日將暮。醉憑青嶂獨悲歌。
風格意度俱好錢牧齋因其近七子辭故亦照之

李氏

趙瑗妾

登樓

紅闌六曲壓銀河。瑞霧霏霏濕翠羅。明月

身詩別集

卷二

三

不知滄海暮九疑山下白雲多

占城貢使

江樓留別

青嶂俯樓樓俯波遠人送客此經過西風
楊子江邊柳落葉不如離思多

洞庭老人

歌

八十滄浪一老翁蘆花江上水連空世間

多少乘除事良夜月明收釣筒

無名氏

題西山清涼寺壁

山僧汲空潭驚起二龍子百里雲濛濛
日雨不止

明詩別裁集

卷十二

五

明詩別裁集卷十二

